



## Universitätsbibliothek Paderborn

**D. Ioannis Ivsti Lanspergii Carthviani, Natione Bavari,  
Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam  
Virginem Mariam, cæterosq[ue] Sanctos - exercitijs item diuersis, tum  
maximè Paßionis Dominicæ, eiusq[ue] matris, refertißimus

**Landsberg, Johannes Justus**

**Coloniae Agrippinae, 1630**

Eucharistiæ sacræ effectus, virtutes seu operationes sedecim: pro quibus  
assequendis aspirationes ad Deum sunt frequentandæ.

[urn:nbn:de:hbz:466:1-45928](https://nbn-resolving.de/urn:nbn:de:hbz:466:1-45928)

feliciter perducatur ad te in gaudia cœlestis patriæ. Quod ut quantum obtineam, miserere quæso mei Deus meus & salua me.

Sit mihi quæso Eucharistia, hoc est, bona gratia, hoc quod sumptu Sacramentum pie Iesu panis cœlestis. Sit mihi manna, refectio ac cibis, in cuius fortitudine ambulem usque ad montem Dei. A quo ne ab hac vita quæso non me patiaris emigrare ieiunum, sed huius Sacramenti suscepio, & modo, & tunc sit mihi plena reconciliatio, plena peccatorum purgatio, & ad æternam vitam introducio. Quapropter miserere quæso mei Deus meus, & salua me.

Postremo, quomodo tu in curru igneo Eliam transtulisti, ita huius Sacramenti perceptione absorbeat me quæso ignita & melliflua vis amoris tui, qui mundo me totum faciat mori, à phantasmatis & creaturarum imaginibus denudari, à priuato amore liberum fieri & in te rapi, in te absorberi, tecumq; vno perpetuo fieri. Misericordia igitur clementissime Iesu quæso mei & salua me, Amen.

Eucharistie sacra effectus, virtutes seu operationes sunt sedecim: pro quibus assequendis ante ast post Missæ sacrificium aspirationes ad Deum sunt frequentanda. Explicantur autem his versibus.

Viuiscat, purgat, minuit quoque, roborat, auget,  
Restaurat, lustrat, præseruat, terret, inarrat.  
Dulcat & impinguat, caler, vnit, gaudia, tutat.

I. **V**iuiscat. Est enim panis &c. de cœlo descendens, qui dat vitam mundo. Et sicut dicit Iesu: Si quis manducat me, viuet, propter me. Dic igitur:

Vtinam Domine Iesu hæc cuius Sacramenti susceptio me resuscitet à morte peccati, sitq; mihi vita perennis & salus perpetua. Hac sacro sancte Eucharistie virtute adiutus, piissime Iesu, moriar quotidie mundo & peccato, viuam vero tibi, Amen.

II. **P**urgat, præsertim venialia peccata, & mortalia quoniam hoc Sacramentum, de quibus panitet. Dic igitur:

Misericordissime Iesu, hæc Sacramenti tui sumptio, sit mihi plena peccatorum meorum satisfactio. Sit quoque pie Iesu, animæ meæ hæc plena purgatio. Quid habeo dulcissime Iesu dignius, quid pretiosius, quid acceptius, quod pro peccatis meis expiandis tibi offeram, quam te ipsum? Te ipsum igitur Patri & tibi ipsi quoque offero, quem in remissionem & purgationem omnium peccatorum meorum suscepisti, Amen.

III. **M**inuit, vomitem libidinis aliorumq; vitiorum. In minoribus namque peccatis (teste D. Bernardo) minuit Eucharistia sensim, in gravioribus tollit consensum. Dic ergo:

Huius Eucharistie piissime Deus sumptio, sit quæso omnium vitiorum in me extincio. Virtus quæso huius Sacramenti omnia interiora mea penetret, & quicquid in me pravum, quicquid est vitiosum, mortificet & eradicet. Vtinam Eucharistia hæc sancta libereret me à peccato mortis huius, & à lege peccati, Amen.

IV. **R**oborat. Si enim panis terrenus, quanto magis panis Angelorum, panis quæde cœlo descendit, confirmat cor hominis? Dic igitur:

Sacramentum hoc corporis & sanguinis tui Christe Iesu, sit mihi ad ardua quæcunque robur & fortitudo. O panis cœlestis, qui es compactus in utero virginis,

nisi,

nis, coctus igne charitatis in ligno crucis, præbe vires animæ meæ, præbe feruorem, ut in seruicio tuo neque repescam, neque in discretione deficiam.

Auger: *Hoc est multificat virtutes, donaq; gratiarum, vt gradu crescant, numeroq; multiplicentur. Dic ideo.*

Post huius Domine Iesu Sacramenti susceptionem, augeantur quæso in me tua dona, & virtutes perficiantur. Vt inam Sacra menta hæc tua cœlestia, gratiam mihi tuam accumulent, virtutes infundant, charitatem augeant, & dona tua cuncta in me perficiant.

Restaurat. *Ad modum cibi naturali consumpta deperdit aq; restauranti, ita cibus hic sacramentalis viuificus restaurat calorem charitatis, & humidum radicale bona voluntatis. Dic ergo:*

Vtinam piissime Iesu feruorem tuæ charitatis cunctaq; bona dona, ac tua in me cibus hic sacramentalis restauret. Neque enim aliud ex me est, aliudq; nescio, quæ gratiam & dona tua destruere & impediare. Huius viuifici cibi Christe Iesu sumptio reperiet in me omnia, quæ per meam negligentiam, ingratitudinem & desidiam perierunt, Amen.

Illustrat: *id est, illuminat intellectum ad cognitionem peccatorum, vt sciat quid plangat aut unde doleat, illustratq; sumentem ad cognitionem diuinæ beneplaciti. Dic igitur.*

Virtus quæso corporis & sanguinis tui Domine Iesu Christe, intellectum, sensus, omnesq; vires animæ meæ illustret, vt cognoscam coram te quid acceptissimū sit omni tempore. Illumina quæso tenebras meas radijs visitationis tuæ, & cognitione peccatorum meorum, tibi q; notitiam vilitatis meæ, cū detestatione & odio sancto mihi infunde. Gratia tua splendor, pie Iesu, luceat semper in me, quo cognoscam, diligam, sentiamq; te Domine Deus meus semper in toto corde meo, cum timore casto & reverentia, Amen.

Præseruat: *Nimirum à peccato & à morte gratia. Retrabit enim debilem voluntatem, & contra inimicum impugnantem armis spiritu alibus instruit. Dic igitur:*

Quoniam corpore & sanguine tuo Deus piissime me refecisti, non finas ex me hanc post hac tibi fieri contumeliam, vt ad vomitum redeam, aut vt denud te offendam. Quod vis mecum agas piissime Iesu, saltem à peccato, ab offensioneq; tui me præserues, & in tua gratia iugiter conserues, Amen.

Terrer: *hoc est, Dæmones fugat. Sacramento enim hoc quicunque fuerit munitus, est diabolo tanquam castrorum acies ordinata. De quo Chrysostomus: Ut leones, inquit, flammam spirantes sic ab illa mensa discendimus, terribiles diabolo facti. Dic igitur:*

Christe Iesu, passionis tuæ virtus, huiusq; Sacramenti sumptio, sic mihi contra omnes infidias inimicorum munimen & protectio. In te Iesu piissime, in virtute tua fac me superare omninem tentationem. Custodi me Domine vt pupillæ oculi, sub umbra alaru tuarū, id est, sub brachijs tuis in cruce expansis protege me. Si me tētari vis, tribue mihi benignissime Iesu virtutem ex te, ne vincar & succumbam. Sacramentum hoc tuum munit me quæso, & ab inimici fraude defendat, Amen.

In narrat, sp̄lucet sponsam dilectō. *Est enim cœlestis gloria pignus & arra sincera dilectionis. Dic igitur:*

Quid dignius, aut pretiosius teipso mihi dare potuisses amantissime Iesu. Sit igitur quæso mihi hoc donum pignus, ne vñquam post hac obdormiam in mortem peccati, ne vñquam à te separari possim. Vtinam in arram mihi dederis, hoc Sacramentum syncerissimi perpetuiq; amoris, quo

q 2 tibi

V.

VI.

VII.

VIII.

IX.

X.



tibi nexu coniungat indissolubili, & ut amoris hoc vinculum nunquam possit dissoluiri. Sit haec sumptio Sacramenti arra (qua me dono hoc nobilissimi subarras) piissime Deus syncerissimæ dilectionis quæ ut in te constans est & perpetua, ita in me castissima quoque sit & perseveret feruens ac sempiterna.

## XI.

Dulcat. Dulcedinem diuini gustus sapidamq; deuotionem hoc Sacramentum administrat. Quapropter dicitur:

In te fit Iesu suauissime omnis delectatio mea. Te solum concupiscam, te solum sentiam, te solum sentiam. Nihil quæso post hac me afficiat nisi tu: nihil me delectet, nisi tu. Tædeat me gaudij quod est sine te, delectet me omnis labor qui est pro te, & amara sit mihi omnis quies, quæ non est in te, Amen.

## XII.

Impinguat, animam donis Spiritus sancti, vunctione q; deuotionis. Quod Psalmista postulat, dicens: Sicut adipe & pinguedine repleatur anima mea. Dic igitur:

Ah Domine suauissime, tui dilectione, deuotionis pinguedine imple tu quæsumentem meam, & vunctione Spiritus sancti cor meum durum perunge, ut ablata omni duritia atque desidia, curram post te in odore vnguentorum tuorum. Utinam castissima, affectuosissima, iugisq; deuotione tu dulcisime Iesu, impleas animam meam, qua ad patienda amara, ad agenda ardua, ad mortificanda desideria, & ad omnem abnegationem cuiuscunque proprietatis, facias me feruidum, deuotum, castum, obedientem atque resignatissimum. Dulcis Iesu, ad hoc Sacramentum tuum te largiente, quæso in me indies crescat deuotio, crescat amor, crescat desiderium, crescat reverentia, intolerabilisq; in me fiat huius etiæ & sitis, Amen.

## XIII.

Calet, hoc est, ad Dei inflammat amorem. Quomodo enim non inflammaret fons charitatis, Sacramentum amoris? Dic igitur:

Emitte quæso misericordissime Iesu ex te amoris tui radios, qui me succendant, igne q; inextinguibili charitatis tua me totum, hoc est, id quod ex me sum, comburant ac consumant: ut nihil in me remaneat, nisi quod gratia tua in me operata est & charitas. Igne me tui amoris dulcis Iesu accende, ut velut æs candens totus flammescam charitate, totus tui amore langueam, totus quoad me ipsum & ad veterem hominem, deficiam, Amen.

## XIV.

Vnit: quemadmodum cibus in dentis corpus verè convertitur, ita hic ediversò sumens hoc Sacramentum transformatur in Deum, hoc est Deiformis efficitur. Quamobrem dic:

Vtinam me rapiat & pulchritudo casta, & delectatio sancta. Vtinam me rapiat in te ignita vis amoris tui, quæ me in te transformer, in te absorbeat & tibi vniat. Absorbeat me quæso piissime Deus melliflua vis amoris tui, quæ me totum penetrat atque me tecum vnum efficiat, Amen.

## XV.

Gaudia, scilicet dat. Hoc enim Sacramentum ex prioribus ut liquet virtutibus, spem roborat & consolatur, quod filii Dei sumus. Unde gaudium hoc in Spiritu sancto generatur. Dic igitur:

Dulcisime Iesu, hoc mundo & vniuerso gaudio alieno cupio factum ut verè id velim, possim ac perficiam) valedicere & abrenuntiare, ut in te solo queam te miserante, gaudere. Piissime Dens, esto tu vñica consolatio mea, gaudium meum vnicum, securitas & pax in qua requiescam, Amen.

## XVI.

Tutat, scilicet a pena inferni & purgatory. Remittit enim partem penæ non modicam purgatorij. Quapropter dicitur:

Iesu



Iesu misericordissime, non habeo quo peccata mea redimam, nec quo penas quas debo propter delicta mea exoluam: sed charitatem tuam, meritamq; passionis tuae quae in hoc sacramento nobis tribuis, queso pro me suscipe, & me ab omni culpa & pena liberum & innoxium redde. Quid aliud tibi offeram pie Iesu, nisi te metipsum? En te, qui plena es propitatio pro peccatis nostris & satisfactio, pro me tibi trado, Amen.

*Oratio omnes Eucharistie virtutes complectens, post Missam aut Communionem breuiter utilemque ruminanda.*

**Q**uomodo hac me gratia dignatus es Domine Deus meus, ut corporis & sanguinis tui Sacramento cibares, ita me quoque huius Sacramenti operacionibus atque virtutibus cunctis impleas queso. Per omnia igitur vulnera tua, & per dolores tuos te obsecro Iesu piissime, ut huius Sacramenti perceptio, animae meae vitam tribuat gratiae, quae vitalis ac diuinus motus exerceat, purificet me a virtus & a peccatis, solum item atque peccandi libidinem minuat, robur atque animi fortitudinem adiiciat, gratiam tuam mihi augeat & virtutes, destructa (destructio enim tua sum gratiae & dilapidator) & perdita restaureret, tenebras cordis mei illuminet, a peccatis præseruet, a temptationibus & diaboli machinationibus defendat, adoptionis tuae seipsum mihi arram constituat, dulcedine gratiae tuæ impiat & consoletur, deuotione impinguet, charitate tua inflammeret, me tibi vniat, spiritu exhilararet, & a penis furoris omnibus post hanc vitam, tutum securumq; ac liberum te miserante me reddat, Amen.

Potes hic etiam precari pro tripli illuminatione, ex virtute huius Sacramentib; largienda, dicendo.

**D**eus æterne, amator & misericors, illumina cor meum ad cognoscendam præ uitatem, vilitatem & ingratitudinem propriam, cum sancto odio & displicentia. Cognoscam piissime Iesu quam nihil sum & possum, & despiciam meipsum. Cupiam ex animo ab omnibus despici, optem humiliari, gaudeamq; iniurias ac contumelias pati. Eia benignissime Iesu, infunde mihi veram cognitionem meipius, contritionem & perfectissimam humilitatem. Iterum obsecro te per viscera misericordia tuae Domine Deus meus, illumina cor meum ad cognoscendam & diligendam bonitatem, pietatem, & charitatem tuam erga nos. Vulnera quæso cor meum tui amore castissimo, fidelissimo atque feruentissimo. Reple cor meum dulcis Iesu perfectissima, ardentissima, inextinguibilisq; charitate tua, ut ex toto corde meo semper te sitiam, semper te diligam in omnibus & super omnia. Clementissime Iesu, Deus meus & omnia, rogo te, illumina cor meum ad cognoscendum, amandum, perficiendumq; omne beneplacitum tuum. Da mihi meipius perfectissimam abnegationem atque resignationem, ut meipsum omnimodi relinquam, examinam, mortificem, & resignem in omne beneplacitum tuum. Da mihi, ut me totum tuae prouidentiae credam, de manu tua omnia cum gratiarum actione accipiam, & in omnibus te laudem & benedicam. Fac piissime Deus ut omnem vitam meam, omne tempus, omnes actus & vires corporis & animæ meæ, rotumq; id quod sum & possum, in laudem, in amorem, & in beneplacitum tuum expendam, Amen.

